



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Bvgenhagii Pomerani Annotationes ab ipso iam
emissæ. In Deuteronomium**

Bugenhagen, Johannes

Basileae

VD16 B 9247

Capvt II.

urn:nbn:de:hbz:466:1-36133

CAPVT SECUNDVM.

ii

coruno cordis desiderio, quæ est oratio corā deo, ueniam consecutū fuisset, Hi ne plorantes quidē audiuntur, adeo non respicit opera deus ubi est infidele cor. Hæc enim est pœnitentia īmiorum, dolere angustiam quam sentiunt & damnū, nō patris contemptum & blasphemiam, id quod est sua querere non quæ dei sunt. Ea erat & pœnitentia Esau, Heb. 12. Vbi ergo sunt qui docent formare contritionem?

CAPVT II.

Dum æi, Ammonitæ, Moabitæ sunt pars Arabiae fratres filiorum Israël &c. Atq; hic uides etiā dei prouidentiam & curā pro gentibus quibus prohibet malū inferri, quibus & se dicit illas terras dedisse, ut agnoscas qd^d dicatur Danielis. 2. Dominus mutat tēpora & ætates, transfert regna atq; cōstituit &c. Porro dominus narrat hoc q; gentibus dederit terras, ut cōfirmentur filij Israël benēq; sperent sese per dominum multo magis accepturos terram promissam, cū gentes acceperint, quibus non erat promissa &c. Itaq; ubi non est uerbum dei omnia uidentur casu, fortuna & consilio humano regi, quāuis non ita sit, soli autem qui uerbū dei habent certi sunt quid agant, quo tendant, quid prosperum sit, quid infelix &c. In quo uides quid differant historiæ gentium ab historijs sacris in quibus ope-

ra dei & efficaciam uerbi uides &c.

Dñs deus tuus benedixit tibi &c.

Occupatio. Vnde uinemus si nō predabimur. Respondet, Sufficit tibi q; habeas dominū quo præsente nō egebis, qui per 40. annos non deseruit sed omnia abunde subministravit, iam non deseret, non ergo eges ut spoliis fratres. Ita temptationi uētris ubiq; occurrit paterna prouidentia, Nos tamen infidelitate nostra, quibus uiginti aut triginta annis nihil defuit, uinemus uno anno quem forte non uiuemus non satis futurū. uide infra cap. 8. Recordaberis cuncti itineris &c.

De circumuitione montis Seir, lege. Nu. 20.

De stirpe Enach, Nu. 13.

Sicut fecit Israël.] Anticipatio est. Respicit enim Moïses tempus quo scribit quando iam acceperant filij Israël trans Iordanem Terram Amorrorū & Basan, ut infra uidebis. Dicit uero hoc, ne de reliqua terra dubitent. Et intermiscat q; dominus quoq; expulit olim fortes gentes ex Idumea, ex terra Amon, & ex terra Moab, ut illic habitarent filij & cognati Abrahæ, licet uerbum dei nō haberent, ut magis sibi sperent &c.

Donec consumeretur.] secundū dei sententiam.

Zamzumim] id est, nebulones.

Surgite.] Hic incipit terra & possessio Iudeorum à torrente Arnon qui est terminus Moabitarū diuidens **Moabitas & Amorræos, Nu. 21.**

CAPVT TERTIVM:

15

*Ecce tradidi.] Id saepe inculcatur, ne quid humanis
tribuatur uiribus &c.*

*Hodie incipiam.] Talis est potentia ubi est uerbum
dei, timent portae inferorum, timent et impij homines
et mundus, tamen non resistere non possunt sic agen-
te iudicio dei et indurante corda eorum, ut Pharaonis;
Vide uerba Raab Iosu c. 2.*

*Misi nuncios.] Hoc fecit iure belli. Civiliter agere
uoluit, tametsi nouit dei sententiam, ut etiam species
mala hic abesset.*

*Interfectis &c.] Heb. Et anathematizauimus om-
nes ciuitates et tam uiros quam mulieres et paruulos.*

CAPVT III.

Netimeas &c. Iubet securum esse
per uerbū suum. Aduerte q̄ cum hic om-
nia fiant uerbo dei, tamen ita instruit po-
pulum deus armis, consilio, animis, quasi
occupatus sit omnia suis uiribus, ut doceat nos non
tentare deum. Christianus nihil agit nisi certus sit deo
placere, certus autē est per uerbū dei, vbi uero sic cer-
tus est utitur sua ratione, suis uiribus à deo concessis
ne creatura dei sit otiosa ad id quod scit deo placere,
Hoc non est addere uerbo dei sed sequi uerbū dei per
quod oīa creata sunt, per quod tuū ingeniū, tuæ uires
tibi datæ sunt. Nam in talibus non confidis, sed sic sen-